



## შევეკითხე შუამავალს (აღლაჰის ლოცვა და მშვიდობა მას): რომელია ყველაზე დიდი ცოდვა აღლაჰის წინაშე? მან თქვა: «დაუდგინო აღლაჰს მოზიარე, როდესაც მან გაგაჩინა შენ»

გადმოცემულია აბულლაჰ ბინ მას'უდისგან (აღლაჰი იყოს მისით კმაყოფილი): შევეკითხე შუამავალს (აღლაჰის ლოცვა და მშვიდობა მას): რომელია ყველაზე დიდი ცოდვა აღლაჰის წინაშე? მან თქვა: «დაუდგინო აღლაჰს მოზიარე, როდესაც მან გაგაჩინა შენ». მე ვთქვი: ჭეშმარიტად ეს მართლა დიდი ცოდვაა, შემდეგ ვკითხე: შემდეგ რომელი? თქვა: «საკუთარი შვილის მოკვლა იმის შიშით, რომ ის შენთან ერთად დაინყებს ჭამას», ვკითხე: შემდეგ რომელი? თქვა: «მრუშობა მეზობლის ქალთან».

[სანდო (საჰიჰ)] [შეთანხმებული]

შუამავალს (აღლაჰის ლოცვა და მშვიდობა მას) ყველაზე დიდი ცოდვის შესახებ ჰკითხეს და მან თქვა: ყველაზე მძიმე მათგან არის დიდი შირქი — როდესაც აღლაჰს უტოლებ ან მის მსგავსს მიაწერ ღმერთობაში, მმართველობაში, მის სახელებსა და თვისებებში. ამ ცოდვას უზენაესი აღლაჰი არ შეუწდობს, გარდა მონანიების გზით. თუ ადამიანი მოკვდება შირქში მონანიების გარეშე, ის სამუდამოდ დარჩება ჯოჯოხეთში. შემდეგ ადამიანის მიერ შვილის მოკვლა იმის შიშით, რომ მასთან ერთად შეჭამს. სულიერის მოკვლა აკრძალულია, მაგრამ ცოდვა უფრო დიდია იმ შემთხვევაში, თუ მოკლული იქნება მკვლელის ოჯახის წევრი, და უფრო მეტად იზრდება ცოდვა მაშინ, როცა მკვლელის განზრახვა იყო იმის შიში, რომ მოკლული მას აღლაჰის მიერ ბოძებულ სარჩოში შეეზიარებოდა. შემდეგ კაცი, რომელიც იმრუშებს მეზობლის ცოლთან, ცდილობს მოატყუოს მეზობლის ცოლი, რათა დაიმორჩილოს და იმრუშოს მასთან. მრუშობა აკრძალულია, მაგრამ მისი ცოდვა უფრო დიდია, როცა ეს მოხდება მეზობლის ცოლთან, რომელზეც შარიათმა მოგვიწოდდა კეთილად მოპყრობა, სიკეთე და კარგი ურთიერთობა მის მიმართ.

<https://sunnah.global/hadeeth/ka/show/5359>

